



## Universitätsbibliothek Paderborn

**R.P. Clavdii Aqua-Vivae Societatis Iesv Præpositi  
Generalis V. Meditationes In Psalm. 44. et 118**

**Acquaviva, Claudio**

**Coloniæ Ubiorum, 1616**

81 Defecit in salutare tuum anima mea: & in verbum tuum supersperau.

[urn:nbn:de:hbz:466:1-50645](#)

Si Defecit in salutare tuum anima  
mea: & in verbum tuum super-  
speravi.

**M**Erito defectus ex desiderio, oculorum  
expectatio, constantia in tribulatio-  
nibus, expectatio consolationis, abiecio  
inanum fabularum, & delectationum  
seculi, quæ meræ nugacitates sunt, & quæ  
sequuntur omnia à Caph incipiunt, quæ  
significat volam, vel manum. Quippe  
hæc omnia in nobis non à nobis sunt, sed  
à manu Altissimi: de qua dicitur. Manus  
tuæ fecerunt me, & plasmauerunt me.  
Defecit autem anima non à salutari, sed  
in salutare; quia præ desiderio, & amore,  
& expectatione deficit à seipsa anima, &  
fit spiritus. Est enim deficere, in id vnum-  
quemque totis studiis migrare, quod dilige-  
rit. Et Sanctus quisque nescit aliud desi-  
derare, nisi salutare Dei, quod est Chri-  
stus Iesus. Illum concupiscit, illum de-  
siderat, in illum totis contendit viribus,  
illum gremio mentis fouet: illi se aperit,  
& effundit: & hoc solum veretur, ne il-  
lum possit amittere. Sed ista defectio  
imminutionem quidem fragilitatis, sed  
assumptionem virtutis operatur. Felix  
defectio vel desiderij, vel spei, quæ salu-  
tem à Christo Domino, vel ipsum expe-  
ctat Salvatorem. Deficiant alij, si vo-  
lunt,

Deficere  
in aliquo  
est in id  
migrare.

Psal. 39.

## IN PSAL. CXVIII.

455

lunt, respicientes in vanitates, & insani-  
nias falsas: qui verè deficiunt, quia defi-  
cientibus inhærentes à seipsis deficiunt.  
At ego, & anima mea salutari, ac viuifico  
defectu in salutare tuum deficimus, quo ad  
eius similitudinem, & immutabilem sta-  
bilitatem proficimus. Quod non teme-  
rè audeo, quia in Verbum tuum superspe-  
rai, vel in ipsum Verbum, quod carne  
vestiendum salutare expecto; vel in ipsam  
salutis promissionem: quia verbum tuum  
fidele est, nec perire potest, quia tu  
Deus es.

8: Defecerunt oculi mei in eloquium  
tuum, dicentes: Quando conso-  
laberis me?

**D**ESCRIPTVR fidelis, & perseue-  
rans expectatio opis, & consolationis  
Divinæ in afflictione. Oculi corporis **Oculis**  
solent semper intenti esse, eo spectare, **defectus**  
vnde suum bonum expectant. Ideò oculi tribuitur.  
Primo ex naturali effectu.  
**Psal. 122:**

xum: